

Муаммони ҳал қилишнинг осон йўли



14:33 / 21.08.2024 2674

Радиоэфир пайтида тингловчиларга савол берилди. Бу тингловчилар ўртасида мусобақа ўтказиш учун берилган савол бўлиб, ғолибга қимматбаҳо совға бор эди. Савол қуйидагича эди: «Улкан шар ичида турли йўналишларда олимлар бор эди: физик, кимёгар, фалакиётчи, биолог. Учиб кетаётган шар кутилмаганда чайқала бошлади. Ўртада катта муаммо пайдо бўлди. Муаммони ҳал қилиш ва жонни сақлаб қолиш учун олимлардан бирини улоқтириш керак. Сизнинг-ча, шардаги қайси олимни улоқтириш керак?»

Радиоэшиттириш дастури совғани олиш илинжидаги телефон қўнғироқларига тўлиб кетди. Саволга ечим айтаётган ҳар бир тингловчи бирор олимни улоқтириш кераклигини баён қилса, унинг илмий таҳлилини, нега улоқтириш кераклигини айтарди. Сиз нима деб ўйлайсиз, қайси

олимни улоқтириш керак?

Бу саволга энг тўғри ечимни олти ёшли тингловчи айтди: «Вазни энг оғир олимни улоқтиришимиз керак».

Ҳаётимизда учрайдиган муаммоларни ҳал қилиш учун кўп ҳолларда табиий, содда услубда фикрлашимиз, тафсилотларга, чуқур илмий ёндашувларга ўтиб кетмаслигимиз керак. Муаммоларни ҳал қилмай, улар тўғрисида фақат шикоят қилаверишдан фойда йўқ.

Аллоҳ таолога муаммони бартараф этишини сўраб дуо қилиш энг аввал қиладиган вазифамиздир. Ундан сўнг сабабларни бажаришга киришамиз.

«Вазиятларни бошқариш санъати» китоби асосида

Нозимжон Ҳошимжон тайёрлади

Ушбу мақола Ўзбекистон Республикаси Дин ишлари бўйича қўмитанинг 2024 йил 3 август 03-07/4702-сонли хулосаси асосида тайёрланди.